

Alkitab Sagan Kakanakan

Mengenal akan

Allah
mencubai
kasih
Abraham



Panulis: Edward Hughes

Nang manggambar: Byron Unger; Lazarus
Alastair Paterson

Nang manyusun: M. Maillot; Tammy S.

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.





Pas malam Tuhan
mambari sabuting
parintah nang aneh hagan
Abraham. Parintah
ngintu ujian hagan
malihat apakah Abraham
mancintai Ishak anaknya

labih pada
cintanya hagan
Tuhan.



“Ambili anakmu Ishak, parsambahakan inya hagan kurban bakaran,” Parintah Tuhan. Mamparsambahakan Ishak? Mangorbakan anak lakiannya? Parintah ngintu liwar baratnya hagan Abraham. Inya liwar mancintai anaknya.



Abraham belajar percaya ka Tuhan
biar pas ngintu inya kada paham
maksud Tuhan. Subuhnya inya
basiap handak tulak ka gunung
parsambahan basarta Ishak

lawan dua urang
bujangnya.



Sabalum tulak, Abraham
mambalah kayu hagan
mambakar kurban
parsambahan. Abraham
barencana hagan taat
kapada Tuhan.



Talu hari imbah ngitu
buhannya sampai parak gunung
ngintu. "Badiam haja di sini,"
Abraham baucap hagan
bujangnya.



"Kami pacangan tulak hagan
sambahyang, lawan kami
pacangan babulik ke ikam."
Ishak mambawa
kayu-kayu
bakar;

sadangkan
Abraham
mambawa api
lawan lading.



"Dimanakah domba hagan kurban bakaran ngintu?" Ishak batakun.
"Tuhan pacangan manyadiakan domba ngintu anakku" Abraham manjawab.



Buhannya badua sampai ka wadah nang dipilih ulih Allah saurang. Di wadah ngintu, Abraham maulah altar lawan maantur kayu-kayu hagan mambakar kurban bakaran hagan Tuhan.



Sabalumnya Abraham imbah mambangun banyak altar. Altar nang sabuting ngini jadi sabuting altar nang dirasa Abraham liwar barat hagan dibangun.



Abraham maikat Ishak lawan maandakan anak kasayangannya di atas altar. Apakah Abraham bujukan taat kapada Tuhan lawan mangorbankan Ishak anak saikungannya nang dicintainya?





Inggih! Lading balatinya bakilat pas Abraham maangkatnya tinggi-tinggi. Hatinya pas ngintu hancur, tapi Abraham tahu inya harus taat kapada Tuhan.



"Jangan!"
Ucap malaikat
Tuhan. "Damini
aku tahu pada ikam
takut lawan Tuham.
Ikam kada harus
maambil anakmu
saikungannya
hagan-Ku ."



Malihat saikung
domba jantang di
padang tagah, Abraham
malapas jaratan Ishak
lawan mamparsambahkan
domba jantan ngintu
hagan kurban
bakaran.



Ishak bapikir, "Allah manyadiakannya, kaya ujar abahku."



Pas abah lawan anak sambahyang, malaikat Tuhan bapandir ka Abraham. "Ulih katurunan ikam samunyaan bangsa di dunia pacangan mandapat barkat, ulih ikam mandangar firman-Ku." Pas hari Yesus dilahirakan matan katurunan Abraham.



Abraham lawan Ishak babulik ka rumah. Imbah ngintu, kasadihan datang. Sarah maninggal. Abraham kahilangan bininya lawan Ishak kahilangan umanya.



Imbah panguburan,
Abraham mangirimakan
kapala palayannya
mancariakan bini hagan Ishak.




Palayan ngini tulak
ka wadah kalahiran
buhannya hagan mencari
bini diantara dangsanak-dangsanak
Abraham.



Palayan maminta sabuting tanda ka Tuhan. "Saikung binian nang mambari minum unta-unta nang ikam tantuakan hagan Ishak." Imbah ngintu datang Ribka mambariakan buhannya banyu minum. Inya ni anak dangsanak Abraham. Palayan ngintu tahu Tuhan manjawab duanya.



Ribka maninggalakan kaluarganya hagan kawin lawan Ishak. Inya mahibur Ishak imbah umanya maninggal. Liwar cintanya Ishak ka Ribka!



Allah mencubai kasih Abraham

Sabuting kisah matan Firman Tuhan, Alkitab

Taulih dalam

Kejadian 22-24

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

